



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 121. Sermo Bessarionis contra additionem vocis Filioque.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.  
A. C. 1438.

concessam esse demonstrabant. His utraque allatis Sessioni finem imponebant.

## §. CXX.

*Sessio VIII. Ferrariensis Synodi.*

Græci ea, quæ Andreas Rhodius nomine Latinorum proposuerat, habita inter se consultatione discussit, & Bessarionem Nicænum nominarunt, qui horum argumentis satisfaceret, quod etiam præstitit in Sessione octava die Sabbati prima Novembris celebrata.

## §. CXXI.

*Sermo Bessarionis contra additionem vocis: Filioque.*

*Conc. gener. to. 13. p. 130. Et seq.* Præprimis Bessarion probatum reddere conabatur, lege cautum esse, ne ulli symbolo fieret additio; quocirca, inquit, quid vobis erit usui, quod probaveritis vocem illam, ex Filio, explicationem esse non? nam ut a nobis rejiciatur, satis superque est, nosse, quod a vobis quicquam additum fuerit, haud ecquidem fidei explicare interdictum est, ejusmodi tamen explicationes symbolo intrudere, omnino prohibitum: imo demus etiam vobis, quod talis additio permessa fuerit usque ad tempus, quo secunda Synodus celebrabatur: ast cum tertium Concilium

id diferte prohiberet, haud amplius erat <sup>sæcul. XV.</sup> licitum; explodenda enim, ac superva- <sup>A. C. 1438.</sup> canea foret ista Synodi lex, si tantum ea, quæ antiquæ fidei contraria sunt, addere vetuisset; hoc enim nunquam permiffum, sed semper interdictum fuit. Quinimo hujus Concilii Patres *vocem illam (Deipara) id temporis adeo necessariam, quæque in sacro Symbolo continetur apertissime, quamvis opus esset addere, non addiderunt, legem a se latam facto comprobantes.* Denique ipsa Concilia, quæ subsequerentur, suas definitiones, etsi tantum doctrinæ in Symbolo contentæ explicatio fuissent, eidem tamen inserere non præsumperunt.

## §. CXXII.

*Sessio IX. Concilii Ferrariensis.*

**H**abita est die Martis quarta Novembris <sup>Conc. Gener.</sup> Sessio ordine nona, in qua Bessarion, <sup>tom. 13. p.</sup> suam orationem præcedenti Sessione cæ- <sup>150.</sup> ptam, ob angustias temporis tamen intermissam repetiit, integre argumentis, quæ Andreas Rhodius proposuerat, responsurus. Pluribus itaque demonstratum ibat, Sanctum Cyrillum, & Agathonem Papam non modo ea, quæ ipsam fidem labefactarent, symbolo addere vetuisse, sed etiam quamcunque additionem rejecisse. Cum vero Rhodius Romanam Ecclesiam sua auctoritate ac potestate quicquam Sym-